

„Vjernik je vjerniku rođeni brat“

<"xml encoding="UTF-8?">

Brat

Vjernici su braća

Vjernici su samo braća, zato pomirite vaša dva brata i bojte se Allaha, da bi vam se milost ukazala.[1]

Božiji Poslanik, s.a.v.a.: *“Vjernici su braća, krv im je jednaka, pred drugima su jedinstveni, najneznatniji od njih trudi se pod zaštitom ostalih.”*[2]

Imam Ali, mir s njim: *“Mnogo je braće koju nije rodila tvoja majka.”*[3]

Imam Bakir, mir s njim: *“Vjernik je vjerniku rođeni brat.”*[4]

Imam Sadik, mir s njim: *“Vjernik je vjerniku brat, on je njegov vid i vodič, neće ga izdati, neće mu zlo nanijeti, neće ga prevariti, niti mu obećati ono što neće ispuniti.”*[5]

Imam Sadik, mir s njim: *“Vjernik je vjerniku brat i kao da su jedno tijelo; uvijek kada jedan organ zaboli, i ostali osjete bol. Njihove duše su od jedne duše.”*[6]

Istinska braća

Božiji Poslanik, s.a.v.a.: *“Uvećaj broj braće, jer će se zaista na Sudnjem danu svaki vjernik zauzimati.”*[7]

Imam Ali, mir s njim: *“Čvrsto prigrli istinsku braću i uvećaj njihov broj jer su oni zaliha u vremenima blagostanja i štit u vremenima nesreće.”*[8]

Ljubav prema braći

Imam Ali, mir s njim: *“Nemoj da te brat voli više nego što ti voliš njega!”*[9]

Imam Ali, mir s njim: *“Braću voli onoliko koliko su bogobojazni.”*[10]

Imam Sadik, mir s njim: *“Jedan od znakova čovjekove ljubavi prema vjeri je da voli svoga brata.”*[11]

Činioci postojane ljubavi

Imam Sadik, mir s njim: *“O sine Nu'manov, ako želiš da tvoja ljubav prema bratu bude iskrena, ne šali se nepotrebno sa njim, ne raspravljaj se sa njim, nemoj da mu se hvališ i nemoj se sa*

njim svađati!“[12]

Imam Sadik, mir s njim: *“Braća trebaju jedan drugog u trima stvarima i ako ih primijene, među njima će vladati ljubav; u suprotnom će se razići i postati neprijatelji jedan drugome. To su: pravednost, samilost i nepostojanje zavisti.*“[13]

Ljubav i bratstvo radi Allaha

Božiji Poslanik, s.a.v.a.: *“Gledanje u brata kojeg voliš radi Allaha je ibadet.*“[14]

Božiji Poslanik, s.a.v.a.: *“Neće se nakon imana čovjek musliman okoristiti nečim većim od bratstva koje je stekao radi Allaha.*“[15]

Imam Ali, mir s njim: *“Bratstvo radi Allaha ljubav čini iskrenom.*“[16]

Imam Ali, mir s njim: *“Onima koji su braća radi Uzvišenog Allaha ljubav je postojana, jer im je i uzrok postojan.*“[17]

Imam Ali, mir s njim: *“Bratstvo radi Allaha rađa bratstvo.*“[18]

Bratstvo radi Ovoga svijeta

Imam Ali, mir s njim: *“Izbjegavaj onoga čija ljubav nije radi Boga, jer je imati ljubav prema njemu niskost, a druženje sa njim je nesreća.*“[19]

Imam Ali, mir s njim: *“Onaj ko prihvati bratstvo radi Boga stekao je korist, a onaj ko prihvati bratstvo radi Ovoga svijeta biva uskraćen.*“[20]

Imam Ali, mir s njim: *“Onaj ko te voli radi nekog posla, ostavlja te kada ga ostvari.*“[21]

Obznanjivanje ljubavi bratu

Božiji Poslanik, s.a.v.a.: *“Kada neko od vas voli svoga prijatelja ili brata, neka mu to kaže.*“[22]

“Jedan čovjek je prošao džamijom dok su u njoj sjedili Imam Bakir, mir s njim, i Imam Sadik, mir s njim. Neko od prisutnih se obrati Ebu Džaferu: ‘Tako mi Boga, ja volim ovog čovjeka!’ Ebu Džafer reče: ‘Reci mu to, jer obznanjivanje ljubavi čini je postojanijom i bliskost čini većom.’”[23]

Ljubav jednog brata prema drugom ukazuje na njihovu uzajamnu ljubav

Imam Ali, mir s njim: *“Pitajte svoja srca o ljubavima, jer ona su nepodmitljivi svjedoci.*“[24]

Imam Bakir, mir s njim: *“Prepoznaj ljubav prema tebi u srcu svoga brata po onome šta je o njemu u tvome srcu.*“[25]

Imam Hadi, mir s njim: *“Ne traži srdačnost od onoga koga si rastužio, niti savjete od onoga koga sumnjičiš, jer srca drugih odnose se prema tebi kao tvoje srce prema njima.*“[26]

Prekidanje odnosa sa braćom

Imam Ali, mir s njim: *"Ako želiš prekinuti odnos sa svojim bratom, ostavi za njega malo prostora kojim može ponovo započeti prijateljstvo ako jednoga dana to bude želio."*[27]

Imam Ali, mir s njim: *"Kako su samo odvratni raskidanje nakon povezanosti, izbjegavanje nakon bratskog odnosa i mržnja nakon ljubavi!"*[28]

Imam Sadik, mir s njim: *"Onaj ko podari svoju ljubav onome koji je ne zaslužuje, suočava se sa raskidom."*[29]

Povezanost braće

Imam Ali, mir s njim: *"Nemoj da želja tvoga brata za kidanjem veza ne bude veća od tvoje želje za povezanošću, nemoj da budeš jači u činjenju lošeg nego u dobročinstvu."*[30]

Imam Husejn, mir s njim: *"Najjači u povezivanju je onaj koji se povezuje sa onim koji prekida odnos."*[31]

Skupine braće

Božiji Poslanik, s.a.v.a.: *"Najrjeđa stvar na kraju vremena bit će brat u kojeg se može pouzdati i halal-dinar."*[32]

Imam Sadik, mir s njim: *"Tri su vrste braće: jedan je kao hrana za kojom se uvijek ima potreba – a to je razuman čovjek; drugi je kao bol – a to je glup čovjek; treći je kao lijek – a to je razborit čovjek."*[33]

Imam Sadik, mir s njim: *"Tri su vrste braće: na jednoj strani su onaj koji te svojom dušom slijedi i onaj koji te pomaže imetkom – ove dvije skupine su iskrene u svom bratstvu. Trećoj vrsti pripadaju oni koji od tebe uzimaju dio svoje opskrbe i žele te radi nekog malog zadovoljstva. Njih ne ubrajaj među povjerljive."*[34]

Zabrana nekih bratskih i prijateljskih odnosa

Imam Ali, mir s njim: *"Nije ti brat onaj kojem moraš laskati da bi bio s tobom."*[35]

Imam Ali, mir s njim: *"Ne budi brat sa onim koji ti sakriva vrline, a otkriva nedostatke."*[36]

Imam Bakir, mir s njim: *"Kako li je samo loš brat onaj koji te se drži kada si bogat, a koji te zaboravlja kada si siromah."*[37]

Imam Ali, mir s njim: *"Ne uzimaj za brata četvoricu i ne druguj s njima: glupaka, tvrdicu, strašljivca i lažljivca."*[38]

Imam Sadik, mir s njim: *"Izbjegavaj bratimljenje sa onim koji te želi radi nečega: iz straha, iz*

želje, zbog hrane i pića. Traži bratstvo sa bogobožnim, čak i u tminama zemlje, pa čak i da život utrošiš u tom traženju. [39]

Čuvanje starih bratskih odnosa

Božiji Poslanik, s.a.v.a.: *“Zaista Uzvišeni Bog voli istrajavanje na starim bratskim odnosima, pa zato istrajte na tome!”* [40]

Imam Ali, mir s njim: *“Od svih stvari odaberi ono što je novo, a od braće onoga koji je stariji!”* [41]

Istinsko bratstvo

Imam Ali, mir s njim: *“Zaista, tvoj istinski brat je onaj koji ti oprašta greške, otklanja oskudicu, prihvata opravdanje, pokriva nedostatke, odstranjuje strah i ispunjava želju.”* [42]

Imam Ali, mir s njim: *“Brat ti je onaj koji te ne ostavlja samog u teškoći, ne zaboravlja te u grijehu i ne vara te kada ga nešto pitaš.”* [43]

Biranje brata

Imam Ali, mir s njim: *“Onaj koji se udaljava od braće zbog svake greške ima malo prijatelja.”* [44]

Imam Sadik, mir s njim: *“Onaj koji za brata prihvata samo onoga koji nema nedostataka ima malo prijatelja.”* [45]

Podnošenje bratovih grešaka

Imam Ali, mir s njim: *“Podnosi greške prijatelja radi vremena kada će te neprijatelj napasti.”* [46]

Imam Ali, mir s njim: *“Podnošenje je ukras prijateljstva.”* [47]

Imam Ali, mir s njim: *“Onaj ko ne podnosi greške prijatelja umire sam.”* [48]

Najbolji brat

Božiji Poslanik, s.a.v.a.: *“Najbolji od tvoje braće je onaj koji ti pomaže u pokoravanju Bogu, sprječava te u činjenju grijeha i potiče te da budeš zadovoljan Njime.”* [49]

Imam Ali, mir s njim: *“Najbolji brat je onaj koji najmanje laska prilikom savjetovanja.”* [50]

Imam Ali, mir s njim: *“Najbolji od tvoje braće je onaj koji te pomaže, a bolji od njega je onaj koji ti je dovoljan i ako te treba oprašta ti.”* [51]

Imam Ali, mir s njim: *“Najbolji brat je onaj čija je ljubav radi Boga.”* [52]

Imam Ali, mir s njim: *“Najbolji ti je brat onaj koji žuri u činjenju dobra i tebe potiče na isto,*

zapovijeda ti dobro i pomaže ti u njegovom provođenju. [53]

Imam Ali, mir s njim: *"Najbolji ti je brat onaj koji te najviše naljuti na putu istine."* [54]

Imam Ali, mir s njim: *"Najbolji brat je onaj koji je takav da njegova braća nemaju potrebu ni za kim drugim mimo njega."* [55]

Imam Sadik, mir s njim: *"Meni je najdraži onaj brat koji mi ukaže na slabosti."* [56]

Najgori brat

Imam Ali, mir s njim: *"Najgori brat je onaj koji opterećuje."* [57]

Zapovjednik pravovjernih, mir s njim, upitan je: *"Koji je prijatelj najgori?"* Odgovorio je: *"Onaj koji ti nepokoravanje Bogu predočava kao lijepo."* [58]

Provjeravanje prijatelja

Božiji Poslanik, s.a.v.a.: *"Kada nađete kod brata tri osobine, položite nadu u njega: stidljivost, povjerljivost i iskrenost, a kada ih ne vidite ne polažite nadu u njega."* [59]

Imam Ali, mir s njim: *"Onome ko prijatelja uzima nakon uspješne provjere prijateljstvo će trajati i učvrstit će se njegova ljubav. Svakoga ko prihvati brata bez provjere, nužda će primorati na druženje sa lošim ljudima."* [60]

Imam Sadik, mir s njim: *"Provjeri braću u dvjema stvarima i ukoliko to dvoje ne bude s njima – osami se, osami se, osami se! To su: čuvanje namaza u njegovom vremenu i dobročinstvo prema braći i u nevolji i u dobru."* [61]

Upućivanje braće

Božiji Poslanik, s.a.v.a.: *"Vjernik je ogledalo bratu vjerniku, u njegovom odsustvu želi mu dobro, a kada je prisutan otklanja ono što mu smeta."* [62]

Imam Ali, mir s njim: *"Onaj ko svoga brata savjetuje tajno uljepšao ga je, a onaj ko ga savjetuje javno ponizio ga je."* [63]

Imam Sadik, mir s njim: *"Svako ko vidi svoga brata u nevolji i ne otkloni mu je, iako je to u stanju, izdao ga je."* [64]

Poštivanje i uvažavanje braće

Božiji Poslanik, s.a.v.a.: *"Nema čovjeka u mom ummetu koji gaji ljubav prema svome bratu u vjeri, a da mu Allah neće potčiniti džennetske sluge."* [65]

Imam Sadik, mir s njim: *"Kome dođe brat musliman i on mu iskaže poštovanje, zapravo je iskazao poštovanje Allahu, dž.š."* [66]

Ispunjavanje bratove potrebe

Imam Ali, mir s njim: *"Kad god neko od vas sazna za potrebu brata, neka ga poštedi traženja."*[67]

Imam Sadik, mir s njim: *"Allah pomaže vjernika sve dok on pomaže svoga brata."*[68]

Imam Sadik, mir s njim: *"Ko ispuni jednu vjernikovu potrebu, Allah će mu na Sudnjem danu ispuniti sto hiljada želja."*[69]

Imam Sadik, mir s njim: *"Za povjerenje čovjeka u njegovog brata dovoljno je da mu govori o svojim potrebama."*[70]

Adab bratstva

Božiji Poslanik, s.a.v.a.: *"Kada neko od vas prijateljuje sa nekim, neka ga pita o imenu, imenu oca, plemenu i mjestu kuće. To je od njegovih obaveznih prava i prijateljstvu daruje iskrenost, u suprotnom – to je ljubav glupaka."*[71]

Božiji Poslanik, s.a.v.a.: *"Susreći brata sa radošću."*[72]

Božiji Poslanik, s.a.v.a., *pitao bi za onog od braće kojeg ne bi vidio tri dana. Ako bi bio odsutan, učio bi dovu za njega; ako bi bio tu, posjetio bi ga; ako bi bio bolestan, obišao bi ga."*[73]

[1] El-Hudžurat, 10.

[2] Emali-l-Mufid, 187/13.

[3] Gureru-l-hikem, 5351.

[4] El-Kafi, 2/166, hadis 2 i 7.

[5] Isto, 2/166/3.

[6] Isto, 2/166/4.

[7] Kenzu-l-'ummal, 24642.

[8] Emali-s-Saduk, 250/8.

[9] El-Bihar, 74/165/29.

[10] El-Ihtisas, 226.

[11] Isto, 31.

[12] El-Bihar, 78/291/2.

[13] Tuhafu-l-'ukul, 322.

[14] El-Bihar, 74/291/1.

[15] Tenbihu-l-havatir, 2/179.

- [16] Gureru-l-hikem, 6191.
- [17] Isto, 1795.
- [18] Isto, 4225.
- [19] Isto, 8978.
- [20] Isto, 7776–7777.
- [21] Isto, 8552.
- [22] El-Mehasin, 1/415/953.
- [23] El-Bihar, 74/181/1.
- [24] Gureru-l-hikem, 5641.
- [25] Kešfu-l-gumme, 2/331.
- [26] El-Bihar, 74/181.
- [27] Nehdžu-l-belaga, pismo 31.
- [28] El-Bihar, 77/210/1.
- [29] El-Mehasin, 1/415/950.
- [30] Nehdžu-l-belaga, pismo 31.
- [31] El-Bihar, 78/121/4.
- [32] Tuhafu-l-'ukul, 54.
- [33] Isto, 323.
- [34] Isto, 324.
- [35] Gureru-l-hikem, 7503.
- [36] Isto, 1042.
- [37] El-Iršad, 2/166.
- [38] El-Hisal, 244/100.
- [39] El-Bihar, 74/282/3.
- [40] Kenzu-l-'ummal, 24759.
- [41] Gureru-l-hikem, 2461.
- [42] Isto, 3645.
- [43] El-Bihar, 77/269/1.
- [44] Gureru-l-hikem, 8166.
- [45] A'lamu-d-din, 304.
- [46] El-Bihar, 74/166/29.
- [47] Gureru-l-hikem, 752.
- [48] Isto, 9079.
- [49] Tenbihu-l-havatir, 2/123.

- [50] Gureru-l-hikem, 4978.
- [51] Isto, 4988.
- [52] Isto, 5017.
- [53] Isto, 5021.
- [54] Isto, 5009.
- [55] Isto, 4985.
- [56] El-Bihar, 74/282/4.
- [57] Nehdžu-l-belaga, izreka 479.
- [58] Me'ani-l-ahbar, 198/4.
- [59] Kenzu-l-'ummal, 24755.
- [60] Gureru-l-hikem, 8921 i 8923.
- [61] El-Kafi, 2/672/7.
- [62] El-Bihar, 74/233/29.
- [63] Isto, 74/166/29.
- [64] El-Bihar, 75/65/2.
- [65] El-Kafi, 2/206/4.
- [66] El-Bihar 74/298/32.
- [67] Isto, 74/166/29.
- [68] Isto, 74/322/89.
- [69] Isto, 74/89/90.
- [70] El-Kafi, 2/198/8.
- [71] El-Bihar, 74/166/30.
- [72] Isto, 74/171/38.
- [73] El-Bihar, 16/233/35